

音息充反粟太守察動靜有變廼以聞如此則復曠一

時師古曰曠空也一時三月也王侯得收獵其眾申固

其謀黨助眾多各不勝忿必相殄滅自知罪成狂犯守

尉師古曰言起狂悖遠臧溫暑毒草之地雖有孫吳將

賁育士師古曰孫孫武也吳吳起若入水火往必焦沒

知勇亡所施屯田守之費不可勝量宜因其罪惡未成

未疑漢家加誅陰勅旁郡守尉練士馬師古曰大司農

豫調穀積要害處師古曰調發也要害者在我為選任

職太守往以秋涼時入誅其王侯尤不軌者即以為不

毛之地亡用之民聖王不以勞中國師古曰即猶若也

乾隆四年校刊